



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

Dvb. 1. Vtrum iudiciu[m] sit actus iustitiæ.

[urn:nbn:de:hbz:466:1-72459](https://nbn-resolving.de/urn:nbn:de:hbz:466:1-72459)

SECTIO QVARTA.

DE INIVRIIS
IN IVDICIIIS.

SEQVITVR ut dicamus de iniuriis, quae in Iudiciis committi solent. In quibus tres persona spectantur, Jūdex, Accusator, & Reus: accusatori iungitur testis, reo aduocatus. Itaque hanc sectionem diuidemus in tria capita: Primum erit de Iudice. Secundum, de accusatore & teste. Tertium, de reo & aduocato.

CAPVT VIGESIMVMNONVM.

De Jūdice.

Constat Dubitationibus 18.

DVBITATIO PRIMA.

Virūm Judicium sit actus Justitiae. D.Thomas q.60.art.1.

Iudicium quid.

NOTANDVM est, nomen Iudicij potissimum duobus modis accipi. Primo, Generatim, pro sententia animi vera vel falsa, de quacumque re ea sit. sic distinguitur contra apprehensionem nudam, in qua non est veritas vel fallitas. nec per se est actus virtutis, sed potentia in intellectua, componentis, vel diuidentis lulos conceptus.

2 Secundo, Strictè, pro determinatione Iuris, facta per Iudicem, id est, pro sententia Iudicis exterioris prolatæ, qua in controversiis contractuum, delictorum, aliisque Iuris questionibus definit quid cui sit debitum; hoc enim propriè vocatur Iudicium, quasi Iuris dictio. Hinc extenditur ad significandum totum illum actum & causæ diffusionem, quæ in tribunalibus fieri solet, per quam Iudex disponitur, vt iustum sententiam ferre possit.

3 Hoc modo est quidem actus elicitus à scientia Iuris; tamen est etiam actus iustitiae, id que duplice ratione. Primo, Tamquam causa dispositiæ; quia iustitia affectus inclinat Iudicem vt velit sententiam iustum ferre, ac proinde incitat eum, vt quām diligentissime causam examineret; deinde occulta quadam conscientie facit, vt ea qua iusta sunt, etiam iusta illi videantur. quisque enim iudicat secundum suos affectus. affectus enim facit, ut res intellectui videatur conueniens & amplectenda. Itaque affectus iustitiae facit, vt id quod iustum est, intellectui Iudicis appareat bonum & amplectendum. Simili modo affectus temperantia facit opera temperata videri pulchra, & conuenientia homini; & fortitudo, opera fortia, sive illa exterioris cernantur, sive sola imaginatione comprehendantur. Iuxta hunc modum, rectum Iudicium de obiecto vel opere cuiusque virtutis

procedere dicitur ex eadem virtute. vide supra lib.1.cap.1.dub.4.

Secundo, Est actus iustitiae, tamquam causa præcipientis & obligantis; iustitia enim imperat actum iudicij, & Iudicem ad eum obligat, sicut debitorem obligat ad solutionem debiti: quia ex officio debet hoc partibus; idè enim stipendia accipit. hoc modo iudicium propriè ad iustitiam pertinet, vt quoddam obiectum iustitiae, & actus externus necessarius, sine quo iustitia in Iudice esse nequit; sicut reddere cuique suum, est actus iustitiae in genere.

DVBITATIO II.

Vtrūm iudicium temerarium, sit peccatum mortiferum.

D.Thomas quest.60.art.3.

Notandum est Primo, Iudicium temerarium dici, quod de aliquius peccato, aliòve infamia malo ex leibus indicis concipitur. quod enim ex iustis seu sufficientibus causis concipitur, non est temerarium, sed rationi consonum. vt si iudices aliquem impurum, quod in tenebris sepiùs eum videris loca impura frequentantem; si hæreticum, quod Missæ sacrificium rideat; si iniustum, quod vñras exigat. Fit autem hoc iudicium vel de internis, vel de externis, quorum auctor est occultus; vel de futuris, vt hunc fore furem, vel numquam emendandum, vt colligitur ex D. Augustino l.2. de Sermone Domini in monte, cap.28. & S. Basilio in Regul. breuior. interrog. 104.

Notandum Secundo, D. Thomas distinguere tres gradus suipcionis, vel iudicij temerarij.

Tres gra-
Primum est, Cum homo ex leibus indicis de bo-
nitate aliquius dubitare incipit.

Secundus est, Cum pro certo malitiam alterius estimat ex leibus indicis.

Tertius